



Broj: 09/2-16-8-44492-12/25
Sarajevo, 15.12.2025. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za nabavke utvrđenog u Zapisniku o pregledu i ocijeni ponuda za LOT 1 i LOT 2, broj: JN1-16-8-44492-10/25 od 15.12.2025. godine, u postupku nabavke računarske opreme za potrebe MVP BiH- LOT-2, ministar vanjskih poslova Bosne i Hercegovine, donosi:

ODLUKU
o izboru najpovoljnijeg ponuđača
Nabavka računarske opreme

Lot 2 - Nabavka skenera

Prihvata se prijedlog Komisije za javne nabavke utvrđen u Zapisniku o pregledu i ocijeni ponuda, broj: JN1-16-8-44492-10/25 od 15.12.2025. godine, te se Ugovor u postupku javne nabavke računarske opreme, LOT 2 – nabavka skenera, dodjeljuje ponuđaču „Godimerc“ d.o.o. Sarajevo sa ukupnom cijenom ponude u iznosu od 4.737,00 KM bez PDV-a, odnosno 5.542,29 sa uračunatim PDV-om.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Odabrani ponuđač je dužan u roku od 5 (pet) dana, računajući od dana dostavljanja ove Odluke, dostaviti originale ili ovjerene kopije dokumentacije iz člana 45. Zakona o javnim nabavkama, na način kako je to propisano tenderskom dokumentacijom.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka broj: 09/2-16-8-44492-1/25 od 03.12.2025. godine, u kojoj je predviđeno da procijenjena vrijednost nabavke za LOT 2 iznosi 4.800,00 KM bez PDV-a.

Obavještenje o nabavci broj: 253-7-1-17-3-80/25, objavljen je na Portalu javnih nabavki dana 05.12.2025. godine, kao i u „Službenom glasniku BiH“.

Nabavka je pokrenuta putem konkurentskog zahtjeva za dostavu ponuda i istom je predviđeno održavanje e-Aukcije.

Komisija je Zapisnikom o pregledu i ocjeni ponuda za izbor najpovoljnijeg ponuđača za nabavku računarske opreme za potrebe MVP BiH – LOT 1 i LOT-2, broj : JN1-16-8-44492-10/25 od 15.12.2025. godine konstatovala da je do krajnjeg roka za prijem ponuda, 15.12.2024. godine, pristigla ponuda sljedećeg ponuđača:

1. „Godimerc“ d.o.o. Sarajevo, pristigla dana, 12.12.2024. godine u 14:14 sati, sa ukupnom cijenom ponude bez PDV-a u iznosu od 4.737,00 KM, odnosno u iznosu od 5.542,29 KM sa PDV-om.

Nije bilo neblagovremeno pristiglih ponuda.

Analizom dokumentacije pristigle ponude, te suštinskom provjerom sadržaja i validnosti iste, Komisija je utvrdila da navedena ponuda ispunjava formalno-pravne, ekonomske i tehničke uslove tenderske dokumentacije, te je ista prihvatljive i može biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Odabrani ponuđač je izabran primjenjući kriterij „najniže cijene“.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se donese Odluka o izboru najpovoljnijeg ponuđača za nabavku računarske opreme za potrebe MVP BiH – LOT-2 – Nabavka skenera, ponuđaču „Godimerc“ d.o.o. Sarajevo sa ukupnom cijenom ponude u iznosu od 4.737,00 KM bez PDV-a.

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.



MINISTAR

Edin Konaković

[Handwritten signature]